
Title	Teka-teki
Author(s)	Muhammad Ariff bin Ahmad

Copyright © 1946 Muhammad Ariff bin Ahmad

TEKA-TEKI*

1

Satu pahlawan sangat tampan
tiada berkaki tangannya lapan
darahnya hitam disembur ke depan
pabila musuhnya mencari tangkapan.

kalau ada siapa yang dapat;
berilah jawapannya dengan tepat.

2

Ada mahkota bukan raja
ada pedang bukan perwira
siang berpanas bukan pekerja
malam berembun bukan jaga,

Dia bulat bukan bola
dia bersisik bukan naga
dia manis bukan gula
dia masam bukan cuka.

siapa tahu cubalah kata!

Mas

Sabtu, 26 September 1946
RF2 Sultan Idris Training College
Tanjung Malim, Perak
Malaya

* disalurkan ke Bahasa Negaraku [5] 1962
[jawapan teka-teki: (1) sotong, (2) nanas]